



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Examen Confessariorum Repetitum**

**Schoonaerts, Gregor**

**Coloniæ Agrippinæ**

**VD18 14542323-001**

Caput II. De Ordine.

**urn:nbn:de:hbz:466:1-41226**

*pascit oves ejus, in tam magnum debet spirituales crescere ardorem, ut vincat etiam naturalem mortis timorem.* Inquit S. Aug. tract. 126. in Joan. tractans casum non absimilem.

*Sed quid si reliqua pars Parochianorum carebit Pastore, si nempe Parochus contrahat pestem, & moriatur?*

R. Si majora supponas exoriri incommoda, morte Pastoris, quàm contrà, sic videlicet, ut pars reliqua fidelium necessariis sit privanda ministeriis, & Sacramentis, non tenetur propter unum particularem tanto se exponere periculo.

## C A P U T II.

### *De Ordine.*

**S**Tatus Ecclesiæ inter naturæ, & gloriæ statum medius est: nam quod ad statum gloriæ attinet, novem in eo reperiuntur Angelorum chori, sive ordines: quorum primo correspondet Episcopus, secundo Presbyteratus, & ita de reliquis, si nono Angelorum ordini accommodes Clericatum: & hæc prima est in his analogia.

Secunda est, quòd in utrisque officium Superiorum sit illuminare inferiores, quidnì & exemplo accendere? Plus ergo scientiæ, & caritatis requiritur in Episcopis, quàm in Presbyteris, plus in Presbyteris, quàm in inferioribus ministris.

Ter-

Tertia, utrique, id est, tam Angeli, quàm ministri Ecclesiæ sunt ministratores spirituales, & quodammodò ministratorii spiritus in ministerium missi propter eos, qui hæreditatem capiunt salutis. Nullus ergò ordinandus est, nisi ejus ordinatio existimetur utilis Ecclesiæ futura.

Quarta, quemadmodùm Angeli inter suas erga nos functiones semper intuentur faciem Patris, ita oportet, ut etiam faciant Ecclesiæ ministri. Debent ergò hi semper esse in spiritu orationis, & caritatis officiis.

Quinta, Angeli suâ sponte non intrudens semetipsum in ministerium hominum, sed à Deo mittuntur; longè minùs licet hominibus se intrudere in ministeria Ecclesiæ. Nullus proinde finè legitima vocatione licitè tendit ad Ordines, aut ex inferioribus ad Superiores ascendit, quæ vocatio etiam requiritur ad Clericatum.

Hæc generaliter dicta sint de Sacramento Ordinis: reliqua de materia, & forma, de dispositione ad Ordines S. suscipiendos requisita, vide apud Authores, cum ad institutum nostrum non pertineant.

\* \* \* \*

TRA-